

جَزَائِرِ حَاكِمِ

جمعه ایرتسی

نومرو	ربع الآخر	سنه	ایلول	سنه	صفحه
۹۴۵	۲۷	۱۳۱۵	۱۳	۱۳۱۳	۱۳۴۳۷

(اشبو غزته بهر هفته جمعه ایرتسی کونلری چقار . سنه لکی درسعادت ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخہ سی ینہ مجیدیه یکریمی غروش اولمق اوزره یوزبارہ یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولمق استیانلر عدلیه نظارتی)
 (دأره سنده کائن جریده محاکم اداره سنه مراجعت ایللیدر)

قسمت رومی

توجیهات

حقوق شاهانه دن مأذون احسان بکله قره قوچ
 افندی تعیین ایدلمش ومومی الیهم امک ذات
 شو کتسمات حضرت خلافتن ساهی به ودولت
 علیه لرینه صادقانه ایقای خدمت ایده جک لرینه
 ومقار عدالت حرکاتده بولنیمه جق لرینه دأر
 امر تحلیفلریده اجرا قلنمشدر .

طرابلس شام سنجاعی بدایت محکمه سی اعضا
 ملازمی عبد اللطف بر که افندی نک عدم دوامیله
 برابر بطائت ورخاوتندن ناشی بالغزل یرینه

بیروت ولایتی تجارت محکمه سی اعضای
 دائمه سندن عبده بیضون وفارمی شقیر افندیلرک
 اسباب قانونیه دن طولانی بالغزل یرلرینه مکتب

لواء مذکور انجمن عدلیه سنجه انتخابات اولنان
محکمه مذکوره ضبط کتبه سندن احمد مقدم
وبونک یرینه منتخب مقاولات محرری رفیق
یوسف افندیلرک وزیتون قضاسی برنجی کاتبی
خلیل افندیلرک تحویل مأموریتنه مبنی لواء انجمن
عدلیه سنجه یرینه انتخاب اولنان محکمه
مذکوره ایکنجی کاتبی سلیمان و آنک یرینه
منتخب ملازمیندن کامل افندیلرک اقدار
واهلترلی مصدق اوله رق انتخاب واقمک شایان
قبول اولدینی بالحواله قومیسون مخصوصندن
افاده اولنسیله مومی الیهک مأموریتلری تصدیق
و کیفیت جواباً محالرینه تبلیغ اولنمش و امر
تخلیفلری ده محالرنده اجرا اولنشد.

(۱۶ ربیع الاول سنه ۳۱۰ و فی ۴ اغستوس)
(سنه ۳۱۳ تاریخیه بالجمله ولایات استیناف)
(مدعی عمومیلکرینه یازیلان تحریرات عمومیه)
(صورتیدر)

مدعی عمومی معاونلکرینه تبلیغ اولنمش اوزره
اشبو تحریرات عمومیه نك نسخ مطبوعه کافیه سی
لفاً فرستاده قلنمش اولدینی بیانیله شقه .

ماده سی موجبیه مسؤل طوتیلر جقلری مقدما
بالعموم محاکم رؤسایسه مدعی عمومیلره مقام
نظارتدن دفعتله تبلیغ و اشعار ۱۹۰۰ تشرین ثانی
سنه ۳۰۹ تاریخلی تحریرات عمومیه ایله ده
تأکید و ازبار قلندیفی حالده مستدعی مرقومانک
تمیز استدعا نامهلری ظهرنده محرر باشکتابتک
در کنسارنده یالکیز مرقومانک موقوف اولند.
قلریلک بیانیله اکتفا اولنمش مأمورین محلیه نك
وقوعبولان و صایای مکرره فی اصفا ایتیه رک
نقصان معامله ایله ارسال اولنان تمیز استدعالر .
نك ردیله مستدعیلرک مقدوریتلرینه سببیت
و یرمکده اولدقربیسه دلالت ایتمکده بولنسیلر
بناء بعدازین احکام قانونیه و محررات عمومیه
مفاهمه توفیق معامله ایدلمسک مأمورین مومی
الیهمه صورت مؤثرده اخطاری لزومک
تذکر اولندیفی محکمه تمیز استدعا دائره سندن
و یریلان ۱۹ کانون ثانی سنه ۳۱۲ تاریخلی مذ
کرده افاده اولنمش و احکام قانونیه و محررات
عمومیه به مخالف حر کانه بولنان و علی الخصوص
اضاعه حقوقی بادی اولان بو کبی معاملات
سببیت و یرن مأمورین عدلیه حقلرنده معامله
مقتضیه نك درحال ایضای مقرر بولنسیلر
مأموریتلر داخلنده بولنمش محاکم رؤسایسه

(۲۳ اغستوس سنه ۳۱۳ تاریخیه در سعادت)
(و بالجمله ولایات یازیلان تحریرات عمومیه)
(صورتیدر)

اوقاف هایون خزینه سنه متعلق دعاویده
تحصیل اولنه حق مبلغدن و قزانیه حق عینیات
قیمتندن مشاور ایله خزینه و کیلارینه اعطاسی
اراده سنیه حضرت خلافتیهای اقتضای عالیسندن
بولنان یوزده یرکمی عائداتک محاکمه تحت
حکمه التماسی جائز اوله میه جفتدن بختله اجرای
ایجابی اوقاف هایون نظارت جلدیه سندن مبعوث
تذکرده بیان و اشعار اولندیلرکدن خزینه
اوقاف هایون دعوی و کیلارینه خزینه لهنده
اوله رق محاکمه تحت حکمه الیبره جقلری
مبالغک تحصیلنده اصل مبلغدن کندولرینه یوزده

یکرمی عائدات اعطاسی تعلیمات مخصوصه احکام.
 مندن اوله رقی بونک تنقیصی جائز اولدینی منللو
 اشبو عائداتک اجرت و کالت اولقی اوزره
 محاکمه تماماً محکوم علیه تمحیلی دخی موافق
 معدلت اوله میه جغندن بجه اومللو تحت حکمه
 الته حق مبالغ ایچون محاکمه نه مقدار اجرت
 و کالت حکم اولنورایسه یوزده یکرمی به وارنجیه
 قدر اوست طرفنک خزیننه اوقاف هایوندن
 تسویه سی ضمانده مقتضای حالک ایضای شورای
 دولت قرار یله شرفوارد اولان ۸ حزران سنه
 ۳۱۳ تاریخلی تذکره سامیه ده اشعار بیورلمش
 اولمغه اولوجهله ایضای مقتضای خصوصنک
 مأموریتکن داخلنده بولنان محاکمه تبلیفی
 سیاقنده .

(۲۳ اغستوس سنه ۳۱۳ تاریخده درسمادت)
 (وبالجمله ولایاته یازیلان محررات عمومیه)
 (صورتیدر)

قری و محله مختارلرینک برکونه معاش
 نظامیلری اولماسنه نظراً ویره جکری کفالت
 سندلرینک مقاولات محررلکرنجه تصدیقندن
 دولای کندیلمدن خرج طلبی موافق حقانیت
 اوله میه جغندن ذکر اولنان کفالت سندلرینک
 مقاولات محررلکرنجه مجاناً تصدیق حقدنه
 شورای دولت تنظیمات دائره سندن یازیلان
 مضبطه اوزرینه ایضای مقتضای شرفوارد اولان
 ۹ ربیع الاول سنه ۳۱۵ و فی ۲۸ تموز سنه ۳۱۳
 تاریخلو تذکره سامیه ده امر و اشعار بیورلمش
 اولمغه موجبجه مأموریتلری داخلنده بولنان
 محاکم رؤسائنه تبلیفی سیاقنده شقه ترقیم قلندی .

(۸ ربیع الاخر سنه ۳۱۵ و فی ۲۵ اغستوس)
 (سنه ۳۱۳ تاریخله عموم ولایات استیناف)
 (مدعی عمومیلکرنیه یازیلان تحریرات)
 (عمومیه صورتیدر)

دیون عمومیه واردات مخصوصه اداره سنجه

(۱۰ ربیع الاخر سنه ۳۱۵ و فی ۲۶ اغستوس)
 (سنه ۳۱۳ تاریخله عموم ولایات استیناف مدعی)
 (عمومیلکرنیه یازیلان تحریرات عمومیه)
 (صورتیدر)

اطبا راپورتلری حقدنه رسم تمفا قانوننده
 صراحت کوریه مدیکی بیانیه استفسار معاملیه
 حاوی تلفراف و پوسته نظارتندن کلان تذکره نک
 لفیه داخلیه نظارت جلیله سندن وارد اولان
 تذکره شورای دولته لدی الحواله مالیه
 نظارت جلیله سیله جریان ایدن مخبره جوابنده رسم
 تمفا قانوننک ایکنجه ماده سی حکمنجه مأمورینک
 استعفا نامه لریله استحصا مآذونیتی حاوی استعفا
 نامه لری مستثنی اوله رقی تمفا رسمندن معفو
 طوتلمش و مأمورینک تبدیل آب و هوایه و تداء
 وی به محتاج و یاخود تقاعده مستحق اولدقربنه
 دائر ویریه جک راپورتلر دخی اولبابده اعطا
 ایده جکری استعفا نامه لری متفرعاتندن اولدینی
 جهته بولره دخی پول وضع اولنماسی شورای
 دولت قراری اقتضاسندن بولنش اولوب بومللو
 اوراق متفرعاتنک پولدن استثناسی فرعک
 اصلنه تبعیتی قاعده سنه موافق وبالخبره دیون
 عمومیه واردات مخصوصه اداره سی قومیسرلکندن

بعض محالرده استخدام اولنان اوندلوق مأمور -
 لرینک عوائد شهریه سی اون غروشدن اوتوز
 غروشه قدرینک جزوی اولدینی جهته بولردن
 التمسده اولان کفالت سندلرندن مقاولات
 محررلکرنجه اراییلان الی غروش تصدیق
 خرجی استکشار اولنه حق درجده اولمسلیله
 بوحال اوندلوقجه تدار کنی اشکال و واردات
 خزیننه سی سکنه دار ایده جکندن مأمورین
 و کتبه موقته کفالت سنداتی کبی ذکر اولنان
 اوندلوق مأمورلری کفالت سندلرینک دخی
 مقاولات محررلکرنجه مجاناً تصدیقنک اصول
 اتخاذه خصوصنده لدی العرض اراده سنیه
 حضرت پادشاهی شرفتملق بیورلمش اولدینی
 بو کره بایورلدی سامی تبلیغ و اشعار قلنمش
 اولمغه برمنطوق امر و فرمان هایون ایضای معامله
 اولنمی خصوصنک مقاولات محررلکرنیه
 تبلیفی ضمانده اشبو تحریراتک نسخ مطبوعه
 کافی سنک لفا ارسال اولندینی بیانیه .

احكامه توفيقاً ايشای معامله اولنسی تذکر قلندی .

انجمن عدلیه سنه ۳۱۲ عدد ۳۶۶

ادرنه ولایتی استیناف مدعی عمومیلکی وکالتیدن وارد اولوب انجمن عدلیه حواله بیوریلان ۸ کانون نانی سنه ۳۱۲ تاریخی تحریرات مطالعه اولندی خلاصه مالی اطاله لسان وجرائم سائر ایله محکوم اولوب وفات ایدنلرک مصارف محاکمه دن طولانی اولان دینلرینک تأدیسه تر کدرینه واضع الید بولنار وارثلرینه باخبارنامه احاله ایدیلرک تأدیسه سندن امتناع ایلد کلامی حالده نه وجهله معامله اولنه جنی استیذانندن عبارتدر . ایجابی لدی المذاکره محکوم علیه ک وفایله مجازات جسمانیه نک ساقط اوله جنی فقط جزای نقدی و مصارف محاکمه کبی مجازات مالیه نک تر کسندن وتر ک نک تقسیمندن صکره واضع الید اولان ورثه سندن

آلان تذکره جوابیه مندرجاتی دخی بوصورتی مؤید اولدیغندن ذکر اولنار راپورتلره پول الصاتی لازم کلیه جکی کوستلش وصورت اشعار موافق مصلحت کورلش اولدینی بیان عالیه سیله اولوجهله ایشای مقتضای بو کره باند کره سامیه اشعار بیورلش و کیفیتک لازم کلنلره تبلیفی ضمننده اشبو تحریراتک نسخ مطبوعه کافیه سی لفا ارسال قلنمش اولدینی بیانیله شقه .

انجمن عدلیه سنه ۳۱۲ عدد ۲۷۰

بیروت ولایتی استیناف مدعی عمومیلکنندن وارد اولوب انجمن عدلیه حواله بیوریلان ۳۱ کانون اول سنه ۳۱۲ تاریخی اشبو تحریرات مطالعه اولندی اتناهی محاکمه ده طرفیندن استخراج اولنه جنی اوراق صورتلرندن خرج النامی حقنده کی طقسان یدی تاریخی تحریرات عمومیه حکمی مؤخرأ نشر اولنار خرج تعرفه سیله فسخ اولنمش اولدیغندن تعرفه مذکور

تابع اولوب اولدینی استیذانندن عبارتدر .

تجارتیلق جرائمن معدود اولوب برجرمک مرور زماندن مستثنا طویله بیلمسی ایسه اولیابده صراحت قانونیه نک وجودینه متوقف اولدیغنه نظراً جنحه لر حقنده قانوناً معین اولان مدت ظرفنده تعقیبات اجرا اولنماسی اوزرینه تجارتیلقدن منبعت حقوق عمومیه وشخصیه دعوالرینک ساقط اوله جنی تذکر قلندی .

استردادی لازم کله جکی قانوناً مسلم اولوب شو حالده محکوم علیه متوفانک محکوم اولدینی مجازات مالیه نک تأدیسه سندن مترو کاتندن حصه مند اولدقلمی ثابت اولان وارثلر امتناع ایدرلر ایسه امواللرینک جزئی وعندالایجاب کندو لرینک توقیفی مثللو اعلامات حقوقیه نک تنقید احکامنه دائر اولان قانونک ارااه ایلدیکی هر کونه تدبیرک علیه لرنده انجادی لازم کله جکی تذکر قلندی .

انجمن عدلیه سنه ۳۱۲ عدد ۳۶۹

بیروت ولایتی استیناف مدعی عمومیلکنندن وارد اولوب انجمن عدلیه حواله بیوریلان ۳۱ کانون اول سنه ۳۱۲ تاریخی تحریرات ملفوفاتیله برابر مطالعه اولندی خلاصه مالی رژی اداره سندن اقامه اولنوب برمدت ترک اولنمش اولان تجارتیلق دعوالرینک مرور زمانه

انجمن عدلیه تاریخی کانون اول سنه ۳۱۲

قوصوه استیناف محکمه سی مدعی عموم . میلکنندن وارد اولوب انجمن عدلیه حواله بیوریلان اشبو تحریرات مطالعه اولندی .

ایقاع حریق ایدن اشخاصک مجهول قالمسندن طولانی بونلر حقنده حقوق عمومیه نامنه تعقیبات اجرامی قابل اوله مبسه جنی کبی مسؤولیت جزائییه نک فاعل ومشرتک ویا معین جرم

اولانلرك غیری اشخاصه صرایت ایدمهیه چکی
اجلدن اهالی قریه نك جزاء مسؤل طوتلملری
احتمالی دخی موضوع بحث ایدیه میوب شو
حاله اهالی مرقومه نك اولسه اولسه اصول
محاکات جزائیة قانوننده ذکر ایدیلان مسؤل
باللاردن عد ایدلمسی اقتضا ایدم چکنه وقانون
مذکورک اوچنچی ماده سنده مصرح اولدینی
وجهله جرمیدن منبعث حقوق شخصیه یعنی
تضمینات دعوالرینك حقوق عمومیه دعواسیه
برابر برمحکمه ده یعنی جزا محکمه سنده فصل
ورؤیتی جائز ایدمه دعوی عمومیه دعواسنك
اقامه اولنماسی ویالولنه مامسی ویاخود ساقط
اولسی حاللرنده حقوق شخصیه دعواسی منفرداً
جزا محکمه سینجه کوریله میهرک شخص متضررک
حقوق محکمه سنه مراجعت ایتمه که مجبور بولنه
جنی درکار ایدو کنه بناءً موجب بحث اولان
اشبو خصوصده نه جزا محکمه سی ونه ده محاکم
خصوصیه جزائیة دن اولان مجلس اداره فصل
دعوایه جائز صلاحیت اولیوب مدعی شخصینك
هر حالده حقوق محکمه سنه تودیع مصالحت
ایتمسی لازم کله چکی تذکر قلندی .

انجمن عدلیه سنه ۳۱۲ عدد
۳۴۷ ۳۴

مرفقه بدایت محکمه سی ریاستیدن وارد
اولوب انجمن عدلیه به حواله بیوریلان اشبو
تحریرات مطالعه اولندی .

اصول محاکمه حقوقیه قانوننك ایکوزاون طقوزنجی
ماده سی مقامنه قائم اولمق اوزره بوکره نشر اولنان
ماده قانونیه نك مطالعه سندن منقهم اولدیغنه
کوره مدت تمیز مطلق اوله رق التمش کونه تنزیل
قلنش وشو حال طشره نی بوبابده درسعادتن
تفریق محل بولنامش اولدینی تذکر قلندی .

انجمن عدلیه سنه ۳۱۲ عدد
۴۴۶ ۳۵

مالیه نظارت جلیله سندن وارد اولوب امور
حقوقیه مدیریت بهیه سنك درکناری اوزرینه
انجمن عدلیه به حواله بیوریلان ۱۵ شباط

معامله استثنائیه نی حاوی بولنسی واستتسا
وامتیازاتك ایسه قیاس ویا تفسیر طریقله توسیع
وتعمیمی قانوناً جائز اولماسی حسیده طوغریدن
طوغری به طرف دولتدن منصوب اولیان
وبعضاً تبعه دولت علیه دن دخی بولنمیان دیون
عمومیه مأمورلرینه مذکور قرارک تشمیلی ممکن
اولدینی تذکر قلندی .

خلاصه مالی قالقاندن قضا سنده محمدرضا
اغانام کسنه ایله دیون عمومیه اداره سی بینده
متحدث دعوی اوزرینه پرزین لواسی مجلس
اداره سنده استینافاً جریان ایدن محاکمه دن
طولانی اسکوب مدیریتدن مرکز مأموریتنه
کوندریلان وکالتنامه نك مقاولات محررلکندن
مصدق اولماسندن ناشی قبول ایدلمدیکنندن
وحالبو که رسوماته متعلق دعاوینك رؤیتی
ایچون تعیین اولنه حق وکیللرک منسوب اولد
قلری دائره نك اک بیوک مأمورلری طرفندن
مختوماً ابراز ایدیه چکلی وکالتنامه لک قبول
اولنسی حقنده شورای دولتدن ویریلوب
جریده محاکمه مندرج قراره بوصورنك
مغایر اولمسندن بختله بعدما دیون عمومیه
مأمورلری جانبندن تنظیم وتختیم اولنه حق
وکالتنامه لک مصدق اولمق سزین قبولی خصوص
سنك ایجاب ایدلره تبلیغی اشعارینی متضمندر .

انجمن عدلیه سنه ۳۱۳ عدد
۳۶ ۸

وان ولایتی استیناف مدعی عمومیلکندن
وارد اولوب محاسبه نك درکناری اوزرینه
انجمن عدلیه به حواله بیوریلان اشبو تلهرافنامه
مطالعه اولندی .

بر کونه دعوا وخصومه تعلق اولیوب

ایجابی مذاکره اولندقه دوائر دولتدن
تنظیم اولنه حق وکالتنامه لک بوجه مشروح
بلا تصدیق قبول اولنسی حقنده کی قرارک

بطاق قریه سی اهالیسی دخی برقطعه عرضحال
تقدیمه هر ایکی قریه نک کندو قریه لرندن
مؤخر تشکیل اولمش اولدینی کی اراضی
منازع فیها مذکور قریه لره عائد اولیوب بطاق
قریه سی حدودی داخلده ایدو کندن بختله
شخص ثالث صفتیه داخل دعوی ایدملریله
اکال محاکمه ضمیمه تعیین قلنان کونده
مدعی علیهم رشادیه قریه سی اهالیسی کمد کلرندن
بطاق قریه سی اهالیسی وکیل وکیل مسخر
تعیینیه اجرا اولنان محاکمات و تحقیقات نتیجه
سند منازع فی اراضینک حمیدیه نام دیگر یابلا
بایری قریه سی حدودی داخلده اولدینی محل
مذکور اجرا اولنان کشف و تحقیقاتی ایله اصولاً
ثابت اولدیغه بناءً اراضی قانوننامه هایوننک
طقسان یدنجی و مجله نک بیک سکتر یوز اون
سکترنجی ماده لری موجبیه محل مذکوره
کو کم نام دیگر رشادیه و بطاق قریه لری اها
لیسنک منع مداخله لری حکمدن و مستدعی تمیز
رشادیه قریه سی اهالیسنک اشبو اعلام علیهنده
لایحه لرده محرر اعتراضاتنک باشلوجه سی دعوی
واقع عواره متعلق اولدینی حالد منازع فی
اراضی به کیمک طرفندن وضع ید اولندیغنک

مجرد استحصال معلوماته تفرع ایدن بو کی
استدعایه لردن قیدیه خرجی اخذینه صلاحیت
اولدینی تذکر قلندی .

قسم غریبی

قریه سی بدایت محکمه سندن ۲۲ تموز سنه ۳۰۹
تاریخی و اونوز ایکی عددی ایل ویریلان اعلامک
مابعدی

قریه سی اهالیسی مداخله واقع لری نک منعی
طلب و دعوی ایتلری نه قارشو مدعی علیهم
کو کم قریه سی اهالیسی دخی منازع فی محل
کندی قریه لری نه برچاریک و مدعیلره بر ساعت
مسافده اوله رق بطاق قریه سی حدودی داخلده
بولندیغنی مدافعه بیان و تذکار ایتلری و مزبور

بالینه اثبات ایتدیرلماسی مغایر قانون اولد .
یغندن بختله اعلامک تقضی استدعاسندن و مدعی
علیهم حمیدیه قریه سی اهالیسی وکیلنک نتیجه
جوابی دخی اعتراض مذکور واهی اولدینی
بیانیه ردی و موافق قانون اولان اعلامک
تصدیق طلبندن و معاون مومی الیهک مطالعه سی
دخی دعوی واقع ترلا و مرعا دعواسی اوله رق
اقامه اولمش اولدینی حالد ترلا قسمنک ذی
الیدی قانوناً تعیین ایدیلره رک توجیه خصوصیت
ایدلک لازم ایکن بوجهته عطف نظر ایدلماش
و مدار حکم اوله رق برکونه اوراق و سندات
رسمیه ابراز اولنماش و اجرا قلنان کشفک
نقصانیتندن بختله تکرار کشف اجراسی طلب
اولمش ایکن اشبو ادعا دخی بلا اسباب رد ایدلماش
و محاکمه غیاییه اثناسنده تعیین اولنان وکیل
مسخر خصم طرفنک وکیلی بولمش اولسنه
مبنی اعتراضات واقعنک موافق قانون بولندی
بیانندن عبارت بولمشدر .

ایجابی مذاکره اولندقد اعلام مذکور
مطالعه سندن منضم اولدینی اوزره دعوی واقع
ترلا و مرعایه متعلق اوله رق ایکی نوع اراضی
حقنده اقامه اولمش اولدینی جهتله ترلا قسمنک

ذی الیدی قانوناً تعیین ایتدیریلره رک توجیه
خصوصیت ایتدیرلماسی لازم کلور ایکن بوجهته
عطف نظر دقت اولنماسی و دعوی واقع
طرفینک نزدنده بوباده اوراق اولدینی بالسؤال
اکا کوره معامله اجراسی لازمه دن اولدینی
حالد بوراسنه دقت اولنماسی و محل منازع فی
حقنده اجرا قلنان کشفک نقصانیتندن بختله
تکرار کشف اجراسی طلب اولمش ایکن اشبو
ادعایک بلا اسباب موجه رد ایدلماش و محاکمه
غیاییه اثناسنده مدعی علیهم ایچون تعیین قلنان
وکیل مسخر خصم جانبک وکیل منصوبی
اولغله مومی الیهک مسخر آ تو کیلی جائز اولد .
ینی حالد محکمه مذکوره جه بوراسنک دخی
نظر دقت واعتیایه التماسی مغایر قانون اولد .
یغنه و مستدعینک اعتراضیه معاون مومی الیهک
مطالعه سی دخی بوجهته متدائر اوله رق موافق
نفس الامر بولندیغه بناءً اصول محاکمه حقوقیه
قانون موقتینک ایکوز اونوز ایکننجی و ایکوز
قرق برنجی ماده لری موجبیه اعلام مذکورک
نقضیه قانون مزبورک ایکوز قرق دردنچی
ماده سی حکمنه توفیقاً کیفیتک صور مشروحه
دائرة سنده بالرؤیه اعلامه ربطی ضمیمه محکمه
مذکوره اعاده سنه وزیرده مفرداتی مرقم

تدقیقات تمیزیه اجراسنه ابتدار اولندی .

مذکور ورقه حکمیه نك خلاصه مالی مزبور پراشکوه ایله کریاقو بیننده متکون نخود اخذ واعطای حساباتک رؤیت و تدقیق ضمننده تعیین قلنان بمنزل معرفتیه سبق ایدن تدقیقات حسابیه نتیجه سنده مدعی علیه مزبور پراشکوه مرقوم کریاقونک حصه سی اولوب ویرلمی ایجاب ایدن قرق یجق چوال نخوددن یالکز اون سکز چوالنک ویریلرک متباقی یکرمی ایکی یجق چوالنک ویرلمدیکی کلاشلمش اولسنه مبنی مذکور یکرمی ایکی یجق چوال نخودک بدلی اولان اوج بیک اون الی غروش ایله بوبابده محکمه جه تقدیر ایدیلرک ضرر وزیانک مزبور پراشکوه دن تحصیلنه و اوشاق حق اوله رق ادعا ایدیلان اوچیز یکرمی بدی غروشک بشقه جه کوسترلمسندن طولای بوبابده کی ادعانک ردیلر برابر طرفین بیننده منازع فیه اولان فرق فیات و تحت انکارده بولنان معلوم المقدار مبلغ حقننده کی ادعا و افاداتک محکمه جه حل ایدلمی لزومه و بیک اوچیز غروش میزاجر تنک دخی پراشکوه دن استیفاسنه حکمدن ومستدعی تمیز و کیلی پانده لاک افندیکنک اشبو

بشیز اوتوز اوج یجق غروش مصارف محاکمه نك ایلروده حقسنز چیه جق طرفه رجوع ایتک اوزره اول امرده مستدعیلردن النسنه ۲ اغستوس سنه ۳۱۰ تاریخنده متفقاً قرار ویریلرک تفهیم قلندی .
میزل طرفندن ویریلوب ایکنجی محکمه تجارتجه تسجیل و تصدیق قلنان ۱۸ مایس سنه ۳۰۹ تاریخلی و اوتوز بدی نومرولی ورقه حکمیه نك تمیزینی استدعا ایدن حصیر جیارده بالانومرو د کانه مقیم ساقز لبلیجیسی پراشکوه ولد کریاقو و کیلی پانده لاک قوزمیدی يوم معینده دائرته کش ایدسه مدعی علیه حصیر اسکله سنده یکرمی بش نومرولی د کانه سا کن ذخیره جی کریاقو ولد ایلیا کلدیکی کی جواب لایحه سی دخی ویرمیدیکندن یالکز و کیل مومی البهک ایضاحات شفاهییه سی استماع قلندقدن صکره

موافق نفس الامر بولندیغه بناء اصول محاکمه حقوقیه قانوننک ایکیوز اوتوز ایکنجی ماده سی موجبجه اعلام مذکورک تقضیه قانون مذکورک ایکیوز قرق دردنجی ماده سی حکمنه توفیقاً کیفیتک یکیدن بالرؤیه اعلامیه ربطی ضمننده محکمه مذکوریه اعاده سنه وزیرده مفردای مرقم درتیوز اون طقوز یجق غروش مصارف تمیزیه نك ایلروده حقسنز چیه جق طرفه رجوع ایتک اوزره اول امرده مستدعی مزبور دن النسنه ۲۴ مایس سنه ۳۱۰ تاریخنده متفقاً قرار ویریلرک تفهیم قلندی .

حکم علیه نده کی اعتراضاتک باشلوجه سی مذکور ورقه حکمیه ده محرر اولدینی اوزره میزلرک بعض جهات حقننده تدقیقات اجرا سندن صرف نظر ایله محکمه به حواله کیفیت ایتملی و درت بیک غروشک بر دعوی ایچون بیک اوچیز غروش اجرت تقدیر و حکم ایدلمی مغایر قانون اولدیغندن بخله اعلامک تقضی استدعاسندن عبارت بولمشدر .

ایجابی مذاکره اولندقدن مذکور ورقه حکمیه ده محرر اولدینی اوزره بمنزل طرفندن برطاقم موادک محکمه جه لزوم رؤیتی کوستر یله رک تدقیقندن صرف نظر اولمش ایکن محکمه جه بونک طرفینک یکدیگرینه قارشو اولان ادعا ومدافع لرنک تدقیقیه تین ایدمک حاله کوره برقرار اتخاذ اولنسی مقتضی اولدینی حاله بوجهت نظر دفته آلتامیوب طرفینک بوبابده اولان ادعا ومدافعاتک مسکوت عنه براغلمسی و درت بیک غروشندن عبارت اولان دعوی حاضره ایچون بر ماده قانونیه کوسترلمکسزین بیک اوچیز غروش میز اجرتی تقدیر و حکم اولنسی قانونه مغایر ومستدعی تمیز پراشکوه وکیلنک اعتراضاتی بوجهته متدائر اولوب

ارزنجان بدایت محکمه سندن ۱۲ تموز ۳۰۹ تاریخلی و التمش درت عددی ایله اعطا قلنان اعلامک تمیزینی استدعا ایدن کرون قصبه سنک چامشور بالا محله سنده مقیم تحاردن قره یان مفردج اغا ایله مدعی علیه ارزنجانده طاشخانده

ساکن نجاردن عوادیس افا یوم معینده
دائرة به کلد کلرندن باش مدعی عمومیک مامو -
ریت علیه سنک مطالعه نامه سی اندقدن صکره
اصول محاکمه حقوقیه قانونک ایکوز یکرمی
طقوزنجی ماده سی موجنبجه تدقیقات تمیزیه
اجراسنه ابتدار اولندی .

مابعدی وار

اعلان

قرار نامه صورتی

کیوه قضاسنه تابع اقتضار ناحیه سنک ترسیه
قریه سی اهالیسندن کامل واسماعیلک اوکوزلرینی

سرقت ایتدیکی ادما قلمسندن دولایی مظنون
اولوب حال فرارده بولنان ودرسعادت هیئت
اتهامه سندن بالاتهام حقنده اخذ و گرفت مذ -
کره سی ویرلمش اولان الی یاشنده اوزونجه بویلی
صاری صقال وبقی مائی کوزلی قرمنی بکزی
اوفق برونی ارطغرل سنجاغنک صهرنج قریه -
سندن محمد کزی اوغلی نارق واورته بویلی
صاریمجه چیچک بوزوغی صاریمجه بیقلی بغدادی
بکزی اوتوز یاشنده قریه مرقومه دن بسلانک
برادری طیب بن طاطوشان واو خان واشطانی
غیر مضبوط مزبور قریه اهالیسندن قوجه
سلیمان اوغلی شعیب الان اله کچوریه مامش اولد -
یغندن اصول محاکمات جزائییه قانونک اوچیوز
یتیش برنجی ماده سنه توفیقاً قانونه اطاعتله محکمه یه
کلک اوزره تاریخ اعلاندن اعتباراً فراری مر -
قومونه جانب ریاستدن مجدداً اون کون مهل
ویرلمش اولغله مدت مذکوره ظرفنده محکمه یه
کلدیکی حالده قانونه اطاعت ایتامش نظریله
باقیله رقی محاکمه سی غیاباً بالاجرا حقوق مدنیه دن
اسقاط واموالی بجز ایدیه جکی وبوانشاده مرقو -
مک اقامه دعوایه حتی اوله میه جنی کبی مرقومک
بولندی محلی بیلنر خبر ویرمکه وبالجمله ضابطه

عدلیه مأمورلرینک مرقومی دردست ایتمکه مجبور
بولندقلری بیانیه اعلان کیفیت اولنور .
۲۷ اغستوس سنه ۳۱۳

امینه صفوت خانک مویتاب اصنافندن امین
افندی ذمتنده بااعلام شرعی الاجنی اولان
مبالغ معلومه نک تأمین استیفاسی ضمننده مدیون
مومی الیهک عهده سنده اولوب مجبور ودرسعادت
برنجی حقوق دائرة سندن ویریلان اعلامله
فروختی محکوم بولنان آت پازاری نام محله واقع
اون سکیز نومرو ایله مرقم برباب دکان بوندن
مقدم مزایده یه قونیه رقی لیرای عثمانی یوزغروشدن
ایکی بیک بشیوزاللی غروش بدل ایله طالبی اوزرنده
تقرر ایتیش اولدیغندن یوزده بش ضمیمه
بولندن ده زیاده یه طالب اولنلرک اشبو تاریخ
اعلاندن اعتباراً اوتوز برکون ظرفنده درسعادت
اعلامات شرعییه اجرا دائرة سنه مراجعت
ایلملری .

۲۸ اغستوس سنه ۳۱۳

خزینة خاصة شاهانه نظارت جلیله سیله کشان
زراعت بانکه سی ومال صندوغنک بدل التزام
وجهت کفالتدن طولایی حاجی صالح اغا ذمتنده
محکوم به الاجنی اولان مبالغ معلومه نک تأمین
استیفاسیچون مرقومک عهده تصرفنده اولوب
مجبور وفروختی قرارلشدیریلان قمریه عتیق
علی پاشاده بقال زقاغنده تخمیناً یوز التمش ارشون
عرصه اوزرینه مبنی ایکی قاتدن عبارت ودررو -
نده اوچ اوطه وبرصندوق اوطه سی وبرخلا
وبر مطبخ وبرمحزن وایکی عدد قیو وایکی عدد
کمورک وبرمقدار طاشانی حاوی وشهری سکسان
غروش اجاره لو واطراف اربعه سی طریق ایله
محاط برباب خانه درت بیک ایکوز غروشدنه
حافظ بکر افندی عهده سنده وکذا شهزاده
باشنده دولکر زاده محله سنده قرباجیلر زقاغنده
یوز یتیش ارشون عرصه اوزرینه مبنی متصلاً
واقع اولوب شهری الیشر غروش اجاره لو
وارقه جهتنده یوز ارشون مقداری باغچه یی
حاوی اون اوچ واون بش واون یدی نومرولو
واطراف اربعه سی خالی عرصه ومذکور قریبا -
جیلر جاده سیله محدود اوچ باب دکانک دخی
لیرا یوز غروش حسابیه اون بیک یوز غروشدنه

سراج طاهر اغا عهده سنده تقرر ايتمش ومدتلك
انقضاسنه مبنی موقتاً قرار داده می کشیده قلمش
اولديغندن بوندن زياده يه يعنى يوزده بش ضميله
طالب اولنلرك ودها زياده معلومات المقي استيانلرك
بي ايتمه ليله برابر اونوز بر كونه قدر اجرا
دائرة سنه مراجعت ايتلمى ومدت مذ كورده نك
انقضاسندن صكره بر كونه ضم قبول اولميه جنى
در سعادت اعلامات نظاميه اجرا دائرة سندن
اعلان اولنور .

۲۸ اغستوس سنه ۱۲۱۳

ورقة دعوتيه ظهير سنده مذ كور محله امامى
طرفندن وريالان شر حله بيلديرلش و مرقومك
غائب عدى وغزته ليله اعلانی صورتيله دعوى
مدعى ليغور و كيلي على بك طرفندن باستدعا
طلب اولنمش وبوايه اصول محاكمة حقوقيه
قانوننك يكرمى التبعى ماده سنه موافق اوله رق
مرقوم خرستو جاجونك ايلوك يكرمى بشنجى
پنجشنبه كونی ساعت التی راده لرنده در سعادت
برنجى حقوق دائرة سنده حاضر بولمىي حقنده
تنظيم قلنان ورقة دعوتيه محكمه ديوانخانه سنده
تعليق اولنمش اولدينى كى بر صورتيده شو-
وجهه اعلان ايتديرلش اولديغندن مرقوم يوم
مذ كورده بالذات كلديكى ويا طرفندن و كيل
ورود ايتديكى حالده محاكمه نك غيابة فصل ورؤيت
اوله جنى اخطاريله معامله تبليغيه اجرا ايد بلور .

۱۸ ربيع الاخر سنه ۱۲۱۵ و في ۲ ايلول سنه ۱۲۱۳

اون قباننده حويار جى ليغورك اجزاجى
خرستو جاجويه ايجار ايتمش اولديغندن بختله
تخليه و بدل ايجار ينى طلب و دعوى ايلديكى قبان
دقيقده قنار جاده سنده اون يدى نومرو ايله
مرقم برباب دكاني بوندن مقدم مرقوم خرستو
جاجو سد و بند ايله غيبوت ايتديكى و نرده
بولنديغنه دائر دخی معلومات بولندينى و دائر ددن
تنظيم و مرقومه تبليغ اولنق اوزره كوندريالان

(مطبعة عامره ده طبع اولنمشدر)